



著作：法语录

## 十 怡保东莲小筑观音像开光

法身原无相，无住住寂光；

随缘起机感，妙用通诸方。

观音菩萨，古佛再来，为度众生，身周沙界。其所设化，法门有三：一曰普门示现，天上人间，三途六道，凡遇机缘，门门皆入，处处可通。二曰耳根圆通，菩萨修因，从闻思修，入三摩地，能所双亡，动静一如。反闻自性，根尘清净，悟知外界一切音声，皆从自性流出，不离自性，普遍自在。故能不动寂场，遍闻众声，皆归一源。三曰寻声救苦，十方众生，遇有困难，称其名号，即现其前，凡有苦恼，皆得解脱。而菩萨又与此界众生特别有缘，故能「处处阿弥陀，家家观世音」。今小筑监院华果尼师，暨护法绅士陈源安、何戒壁诸居士，为诸大善信，祈福保安，塑此圣

38

像，举行开光典礼，即此开光一句，又如何交代？

过去正法明，未来功德山；

三轮不思议，甘露洒人间！

开！